

Appendix A

Er Lee Bee Wah: Saya ingin menyentuh perihal perumahan. Saya harap HDB akan lebih bersimpati semasa kemelesetan ekonomi yang kita hadapi sekarang. Untuk mereka yang susah, diharapkan HDB dapat memberikan pertolongan seperti menurunkan gadaai bayar atau menangguhkan masa pembayaran sewa, daripada menghantar surat amaran demi surat amaran, dan akhirnya menarik balik rumah mereka.

HDB juga harus mempercepatkan program pembangunan agar pemohon-pemohon baru tidak menunggu lama untuk mendapatkan rumah mereka dan kekal di dalam senarai mengundi untuk jangka masa yang panjang. Mari kita fikir sejenak; apakah tujuan asal HDB ?

Adakah ianya untuk menghulurkan bantuan dan menyediakan rumah untuk rakyat kita, ataupun berbangga dengan pembangunan rumah yang cantik dan membawa hasil pulangan yang lumayan. Harga flat HDB yang baru boleh mencapai setinggi \$500,000. Dimanakah tanggungjawab kita terhadap perumahan awam? Ya, kita boleh katakan dan pertikaikan bahawa masih ada permintaan terhadap flat-flat tersebut. Kalau begitu, kita telah menukar tujuan asal kita.

Kini, kita lebih menumpukan tumpuan kepada perumahan yang lebih mahal dan mengabaikan mereka yang sangat memerlukan rumah yang mampu dibeli.

Masih dalam perbincangan perumahan; saya harap pemerintah akan mempercepatkan Program Peningkatan Lif (LUP). Kita mempunyai sebilangan warga tua yang memerlukan lif untuk memudahkan pergerakan mereka.

Sekarang adalah masa yang sesuai untuk LUP kerana kos pembangunan yang lebih rendah membolehkan rakyat dapat meraih faedahnya. Kini, lif adalah satu keperluan, bukan lagi satu kemewahan.